

四明叢書

張宗祥



深寧先生文鈔摭餘編目錄

卷一 記 傳 序

昌國州重建大成殿記

重修鄞縣儒學記

慶元路建醫學記

義田莊先賢祠記

真逸閣記

奉化重修縣治記

九先生祠堂記

赤城書堂記

天興廟記

九里廟記

濟南陳公修東津橋記

廣恩崇福寺記

寶慶寺記

大隱楊先生傳

慈谿杜先生傳

鄞江王先生傳

城南樓先生傳

桃源王先生傳

廣平舒先生傳

定州沈先生傳

慈湖楊先生傳

絜齋袁先生傳

李猷傳

易康成注序

詩地理考序

諸經通義序

漢制考序

辭學指南序

小學紺珠序

戴氏桃源世譜序

漢保傳傳序

唐西南備邊序

卷二 後序 跋 書後 題辭 制 辨 銘

箴

周易鄭氏注後序

詩考後序

通鑑地理通釋後序

急就篇後序

爾雅翼後序

史彌鞏獨善先生文集跋

踐阼篇跋

姓氏急就篇跋

玉海跋

困學紀聞跋

書王庭秀磨衲集後

鄭鏐周禮解義題辭

寧江軍承宣使左驍衛上將軍金州駐劄御前諸
軍都統制授武康軍節度使右金吾衛上將軍
興元府駐劄御前諸軍都統制加食邑食實封
制

辨乾道四明圖經

辨州郡

辨餘姚郡

辨鄮

辨鄞

辨句章

辨甬東

辨西湖

至道朝元殿冊皇太子頌

唐觀德殿飲至頌

漢華平頌

堯衢室銘

商玉磬銘

周瑞節銘

漢典星箴

漢柱下令箴

卷三 贊 七詩

寶元紫微閣御篆贊

周七律詩

越大夫贊

八賢贊

四明七觀

元至元二十七年城中握蘭橋旁民家築室穿上
得誌石一片其文乃唐開成四年太原王夫人
之墓誌謂其曾祖王元浩在元宗時拜諫議大
夫左庶子慕巢由之志辭疾不就詩以紀事
九里廟

深寧先生文鈔摭餘編卷一

宋四明王應麟伯厚撰

里後學葉熊輯

記

昌國州重建大成殿記

淳祐紀元之六年聖上首善崇化以四方風緣字穗書
敷賁雝頒庠聲序音丕冒出日昌國大夫沈聲始至謁
校宮時禮殿之建適六十禩矣朽蠹弗葺諸生進而言
曰學肇基於縣治之東淳熙間王令沅遷於芙蓉洲西

挹秀涵清氣勢閎偉俊人魁士含章挺生道原文脈實
繫茲殿盍鼎新之對敷雲漢作人之休德君曰承流宣
化職也敢不祗若嗇用鳩工士驩趨之參預應公嘉其
意諭帥守顏公佐以郡少府錢經始於明年莫春越季
夏殿成般爾獻公枚枚奕奕貌象惟肖如臨沂泗侑坐
賡食端章儼恭降庭庭止式禮莫愆冠進衣逢瞻儀興
敬觀摩麗習文風藹如明年君入監左帑相與祠於學
既十年諸生思之請著石章應麟郵末學也辭弗獲嘗
讀臨之象曰君子以教思無窮夫澤上有地猶君子之

近民也近民則教彌數故周官族閭之讀法視州黨九
密今之學郡修而邑弛爲吏者政急而化緩期會訟獄
日鯁鯁畏百適慮不越几案而夫子宮牆漫不省健者
舞知怠者視蔭弁髦武城蒲密之言而諉曰難治教化
不明醇澆樸散治不愈難與然非獨今日也漢東京儒
雅最盛令長垂意學校者惟宋均楊仁者著於傳何其
慨寂寥哉沈君能急所緩喟然興於學可謂知本矣昔
孔子慨道不行託興於浮海是邦近天子之光家詩書
人孝悌吾道其行矣乎縣大夫雖不得宿其業以候道

化之成後之君子勿替引之率時髦士規聖矩賢毋以小成自畫學必正大志必高明言必仁義行必篤敬進而經綸天下之大經退而居賢德善俗俾耆老搢紳願瞻楹桷肅然改容曰此賢令教思之德也將見立於朝者爲皋稷入其里者比鄰魯尙當墨筆以頌化民成俗之功云

重修鄞縣儒學記

鄞在漢爲鄞屬會稽郡唐屬明州建夫子廟於縣東五代改鄞爲鄞宋始立學王文公宰縣因廟爲學教養縣

之子弟風以詩書衣冠鼎盛後遷縣西南兵燬久未復
主簿呂康年請於郡相舊址剏禮殿設跪像堂曰養正
爲齋者四至元十九年增二齋二十六年郡城災茲學
歸若魯靈光斯文未墜道其泰乎二十八年濟南陳公
祥爲肅政廉訪副使分治於明崇庠序之教明年新郡
學顧邑校風摧雨圯檟檻將壓殿雖更坐像庫陋未合
古制爰命撤舊宇而新是圖夏六月鳩工經始規模崇
閎視昔增煥縣尹張君孝安提其綱丞王君閏捐祿米
以助主簿任君謙亦贊畫焉多士競勸佐厥費事鉅用

不給檄縣以義役私續之揭石爲門六扇有伉掄材爲
殿隆棟翬飛清池泱泱芹藻春意自堂及序以次繕修
實惟禮樂之使居德善俗啟迪化原以恢宮牆之壯觀
逢掖來游誦公教澤永永無斁始教諭趙必變庀役未
克就嚴得桂繼之出私橐帥先吳應酉聯事協力旣成
請識石章應麟居是邦不敢以髦疾辭惟古者百里有
師教以道藝孝弟仁義斯民也三代所興共學也閭爲
左右塾黨以正齒位時會於州序去民愈近施教愈密
自武城絃歌弗聞急繭絲而緩教化先政刑而後詩書

若密令舉善而教新城長延聚生徒何其寂寥哉無以表倡之也我思古人有行部先卽學宮見諸生試論有行縣學宮處士執經對講誰其嗣之賢使者新斯學也豈徒美宮室云爾將新士以新民也昔鄆有杜先生醇學行望一鄉縣大夫再書然後起其書謂斯道我先得之必推餘於古人願賜臨以爲之師其自重難致如此師道立善人多淵源有自爲師者蓋以爲法乎鄆士漢書僅一見虞仲翔之言可考也陸士龍稱鄆之俗禮節恭謹蓋素履行願修其天爵是爲入德之基進道之階